



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-954/22  
Datum, 01.06.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 16. sjednici održanoj dana 01.06.2022. godine, primilo je k znanju

Informaciju sa prijedlogom mjera sistemskog finansiranja programa i aktivnosti JP „Olimpijski bazen Otoka“ d.o.o. Sarajevo, broj 02-1-614/22 od 09.05.2022. godine.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**INFORMACIJA SA PRIJEDLOGOM MJERA SISTEMSKOG  
FINANSIRANJA PROGRAMA I AKTIVNOSTI JP „OLIMPIJSKI BAZEN  
OTOKA“ D.O.O. SARAJEVO**

**Predlagač:** Skupština JP „Olimpijski bazen Otoka“ d.o.o.  
Sarajevo

**Obrađivač:** Uprava JP „Olimpijski bazen Otoka“ d.o.o. Sarajevo

Sarajevo, april 2022. godine

Broj: 02-1-614/22

Sarajevo, 09. 05. 2022. godine

## INFORMACIJA SA PRIJEDLOGOM MJERA SISTEMSKOG FINANSIRANJA PROGRAMA I AKTIVNOSTI JP „OLIMPIJSKI BAZEN OTOKA“ D.O.O. SARAJEVO

Poštovani,

U skladu s Planom rada Gradskog vijeća Grada Sarajeva dostavljamo vam traženu informaciju.

JP Olimpijski bazen Otoka d.o.o. Sarajevo u svom djelokrugu rada realizira čitav niz aktivnosti i projekata sukladno namjeni objekta, osnivačkim aktima i uobičajenim svjetskim standardima, propisima i aktivnostima koje provode olimpijski bazeni širom svijeta.

O detaljima i važnosti ovih projekata u oblastima sporta, edukacije i rekreacije Gradsko vijeće i vijećnike redovno informišemo dostavom i razmatranjem naših izvještaja i planova u skladu sa zakonom i Programom rada Gradskog vijeća Grada Sarajeva (na majskoj sjednici imate upravi jedan takav materijal – Izvještaj o radu za 2021. godinu).

U naznačenim dokumentima naveden je čitav niz detalja i pokazatelja o već razvijenim projektima poput: individualnih i grupnih programa vježbanja za rekreativce, sportske klubove, saveze i druga pravna lica.

Smatramo da nema potrebe da ih ponavljamo u ovoj informaciji.

Vašu pažnju želimo fokusirati na mogućnost kreacije novih projekata u koje bi se trebao i mogao uključiti Grad Sarajevo i Gradsko vijeće, imajući u vidu nadležnosti Grada.

Naime, u našem budućem radu želimo i poduzimamo korake na razvoju i unaprijeđenju tri bitna projektna iskoraka koja mislimo da možemo pokrenuti ili dodatno unaprijediti:

### **1. Sistemska škola plivanja**

Sistemska škola plivanja podrazumijeva projekat koji smo pokrenuli prije 10-tak godina i koji već daje izvanredne rezultate. Naime, u razvijenim zemljama „obveznost“ plivanja ugrađena je u školski sistem i realizira se, u pravilu, u školskim i namjenskim bazenima i objektima za tu namjenu.

Cijeneći specifičnosti u Kantonu Sarajevo: da smo prvi i jedini objekat (za sada i ne zadugo) krenuli smo, kao što smo naveli, prije desetak godina s ovim projektom. Ušli smo u „teren“ nerješene finansiranja, nepostojanja zakonskih i podzakonskih akata, odsustva sluha, nedostatka sredstava itd., itd.

Za 13 godina rada Bazena plivačka klupska infrastruktura se razvila u mjeri da BiH ne samo da učestvuje na najvažnijim međunarodnim smotrama nego osvajamo medalje, postizemo svjetske rezultate...

Naše uporno zalaganje za unapređenje Škole plivanja trenutno znači da vjerovatno barem 80% učenika iznad četvrtog razreda osnovnih škola zna plivati.

Ovo je procenat koji je ravan procentima u visokorazvijenim zemljama i kudikamo veći od procenta u nekim zemljama okruženja koje imaju more, mnogo razvijeniju objekatsku infrastrukturu i dužu tradiciju.

Škola plivanja je projekat u kojem su SVI učenici četvrtih razreda osnovnih škola Sarajevskog Kantona u obavezi da prođu obuku plivanja na Olimpijskom bazenu.

Sistemska škola plivanja je normativno regulisana Zakonom o osnovnom odgoju i obrazovanju („Službene novine Kantona Sarajevo“, broj: 23/17, 33/17, 30/19, 34/20 i 33/21), kao i Pravilnikom o organizaciji i realizaciji specifičnih oblika nastave iz predmeta tjelesni i zdravstveni odgoj u osnovnim školama („Službene novine Kantona Sarajevo“, broj: 53/18).

Finansiranje projekta izloženo je riziku obzirom na očekivani rast troškova realizacije (prevoza) izazvan energetsom krizom i inflacijom u državi.

Projekat radimo u saradnji sa Ministarstvom obrazovanja, Gradom i općinama.

Do danas sistemski način finansiranja projekta nije riješen, nego svake godine od vrata do vrata, od općine do općine, potpisujemo sporazume i protokole svake godine kako bi se projekat nastavio i održao.

Dobre volje i razumijevanja svih aktera nikada nije nedostajalo, problem su sredstva i sistemska organizacija projekta.

## **2. Projekti rehabilitacije za pripadnike boračke populacije**

Projekat obuvata rekreaciju i habitaciju RVI populacije. Pokrenut je eksperimentalno prošle godine za područje Općine Novi Grad Sarajevo. Plan je obuhvatiti sve općine Kantona Sarajevo i realizirati ga uz finansijsku pomoć Ministarstva za boračka pitanja i boračka udruženja.

## **3. Projekti za djecu s poteškoćama**

U Kantonu Sarajevo je pet ustanova čiji osnivač je Kanton i koje rade sa djecom s poteškoćama. Ukupan broj ove djece je oko 500. Namjera nam je kreacija projekta koji podrazumijeva aktivnosti koje su usmjerene na vježbanje u vodi i obuka plivanja za ovu kategoriju djece. Cilj je omogućiti boravak svakog djeteta i njegova pratioca barem jednom sedmično u prostorima Bazena gdje bi uz pomoć stručno educiranih osoba upražnjavali rekreativne i rehabilitacijske aktivnosti.

Za realizaciju projekta potrebno je obezbjediti finansijska sredstva, prostorne mogućnosti, rekvizite i educirati stručno osoblje.

U predstojećem periodu nužno je sistemski osigurati finansiranje cjelogodišnjeg programa plivanja i vježbanja u vodi za osobe sa teškoćama u razvoju (kao i za osobe u njihovoj pratnji)

## PROBLEMI U REALIZACIJI PROJEKATA

1. Manjak sredstava
2. Nejasne nadležnosti
3. Problem PDV-a

## PRIJEDLOG MJERA

- U saradnji sa Gradom Sarajevom, općinama i Ministarstvom za odgoj i obrazovanje Kantona Sarajevo osigurati zagarantovan budžet za realizaciju Škole plivanja u kompleksu Bazena za sve učenike IV razreda u KS;
- Nabaviti dodatnu opremu za realizaciju programa;
- Educirati osoblje za realizaciju programa;
- Nabaviti autobus za prevoznik učenika i platformu za dobijanje dodatnog prostora u Velikom bazenu za realizaciju projekata;
- Pokrenuti izradu zakonskih i podzakonskih akata kojima bi se utvrdile i precizirale nadležnosti, programski i metodološki detalji projekata, kao i način finansiranja;
- Riješiti problematiku PDV jer Uprava za indirektno oporezivanje (UIO) sve naše pobrojane projekte od općedruštvenog interesa tretira kao uslugu i kažnjava nas obračunom PDV-a. Različit stav Bazena i UIO je u fazi sudskog spora „teškog“, po zapisnicima UIO, preko (trenutno) 300.000,00 KM.

Jedan od načina rješavanja problematike PDV-a je da se osiguraju zakonski akti da se Olimpijski bazen Otoka proglasi edukativnim centrom za vannastavne aktivnosti sportova na vodi za djecu koja pohađaju osnovnu školu na području Kantona Sarajevo, u tom slučaju bi se oslobodili obaveze obračuna i plaćanja PDV-a po osnovu člana 24. Zakona o PDV.

S poštovanjem,



**PREDSJEDNIK SKUPŠTINE**

**Elvir Hadžiahmetović**